

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINSKI SUD U BANOVIĆIMA  
Broj: 127 0 Ip 078847 24 Ip 2  
Banovići, 15.10.2024. godine

Općinski sud u Banovićima, sudija Jasminka Radunović Kostić, u izvršnom postupku tražioca izvršenja Ziraat Bank BH d.d. Sarajevo, zastupana po Advokatskom društvu Suljić d.o.o..Tuzla, protiv izvršenika „Kadrić prom“ d.o.o. za proizvodnju, trgovinu i usluge, export-import Banovići, zastupan po punomoćniku Zlatanu Bektić, advokatu iz Živinica i izvršenika Trgovačko-transportno- ugoditeljsko i proizvodno društvo „Henkoprom“ d.o.o. Žepče, zastupano po Advokatskom društvu „Hrnjić i partneri“ d.o.o. Žepče, radi izvršenja na nepokretnostima, vsp. 133.567,47 KM, odlučujući o prijedlogu za izvršenje punomoćnika drugo-izvršenika od 30.03.2023.godine, dana 15.10.2024. godine donio je sljedeće:

### **R J E Š E N J E**

Prijedlog za izvršenje drugo izvršenika podnesen ovom sudu dana 30.03.2023.godine odbacuje se kao nepotpun i izvršenje obustavlja.

### **O b r a z l o Ź e n j e**

Punomoćnik drugo izvršenika Trgovačko-transportno- ugoditeljsko i proizvodno društvo „Henkoprom“ d.o.o. Žepče, podnio je ovom sudu prijedlog za izvršenje dana 30.03.2023.godine, radi ostvarenja troškova izvršnog postupka.

Dopisom od 20.06.2023.godine, sud je punomoćniku drugo izvršenika vratio i prijedlog za ostvarenje troškova izvršnog postupka Trgovačko-transportno-ugostiteljsko i proizvodno društvo „Henkoprom“ d.o.o. Žepče od 27.03.2023.godine, zaprimljen u sud dana 30.03.2023.godine, jer sud o troškovima neće dva puta odlučivati, a koji dopis je punomoćnik zaprimio dana 26.06.2023.godine.

Punomoćnik drugo izvršenika je dana 06.09.2024.godine dostavio sudu zahtjev za odlučivanje po prijedlogu za izvršenje u skladu sa zakonom, te u prilogu dostavio prijedlog za izvršenje od 30.03.2023.godine.

Zaključkom ovog suda od 23.09.2024.godine, punomoćnik izvršenika Trgovačko-transportno- ugoditeljsko i proizvodno društvo „Henkoprom“ d.o.o. Žepče, je pozvan da u roku od 15 dana, računajući od dana prijema navedenog zaključka uredi prijedlog za izvršenje na način da označi tražioca izvršenja i izvršenika, shodno stavu 3. izreke rješenja ovog suda broj: 127 0 Ip 078847 22 Ip od 26.01.2023.godine, odnosno da isti uredi sa članom 36. stav 1. Zakona o izvršnom postupku, uz upozorenje ne postupanja po navedenom zaključku.

Punomoćnik drugo izvršenika postupajući po zaključku suda, dostavio je sudu dana 08.10.2024.godine uređeni prijedlog, radi izvršenja ostvarenja troškova

izvršnog postupka, ali u uređenom prijedlogu za izvršenje nije pravilno označio tražioca izvršenja i izvršenika, zbog čega sud nije mogao postupiti po istom.

S obzirom da je punomoćnik drugo izvršenika dostavio nepotpune podatke, na osnovu kojih sud ne može dalje postupati, to je u smislu odredbe člana 336. stav 3. Zakona o parničnom postupku F BiH („Službene novine F BiH“ br. 53/03), a u vezi sa članom 21. stav 1. Zakona o izvršnom postupku („Službene novine F BiH“ br. 32/03), odlučeno kao u izreci.

Sudija  
Jasminka Radunović Kostić

**Pouka o pravnom lijeku:** Protiv ovog rješenja može se izjaviti prigovor u roku od osam dana od dana dostavljanja. Prigovor se podnosi ovom sudu, u dovoljnom broju primjeraka za Sud i stranke.